

Alca

Good, a

cap

18

K-VI-6

29
(24)
P A T E R N A
F Æ L I C I T A S

Clarissimo ac doctissimo Viro

D. ANDREÆ WOLFOWIC
Philosophiæ & Medicinæ Doctori dignissimo

D V M

Venerabilis Filius Suus

MARTINVS STANILSAVS
WOLFOWICZ

Artium Magister & Philosophiæ Doctor

In Aulá D. Iagellonis

renunciaretur.

IO ANNE GRYNWALDT LEOPOL.
Artium & Phil: Baccalaureo reuerenter oblata.

Anno Domini 1638. Mense Aprili Die 17.

CRACOVIAE,

In Officina Typograph: Martini Philipowski,
Anno Domini, 1638.

*mosty
p. 18
1639*

CICERO IN ORATIONE

Pro Rabirio.

HOc generi hominum propè naturâ datum, uti
quâ in familiâ laus aliqua forte floruerit: hanc
ferè qui sunt eius stirpis, quod sermo hominum ad
memoriam Patrum virtute celebretur, cupidissime
persequuntur: Siquidem non modo in gloriâ rei Mi-
litaris Paulum Scipio, aut Maximum Filius: sed
etiam in deuotione vite genere mortis imitatus est
Pub: Decium filius.



P A T E R N A F Æ L I C I T A S.

Officiosa elogia & illustres laudationes, virorum Eruditionis & sapientiæ numeris absolutissimorum instituire, in hisq; condecorandis desudare velle; Clarissime Domine non tantum operosum esse scio; sed & ab ingenio meo, & à dicendi facultate, ætatis immaturitate, studiorumq; meorum contentione alienissimum, & video & tacitus ipse apud me decerno. Nihil enim profectò in vitâ difficilius cogitari potest, quàm virum sapientem in eâ fælicitate cognoscere collocatum, quâ nulla maior aut illustrior cogitari potest, quem non nisi ab alio sapiente, aut detegi, aut cognosci, aut per amorem illustrari posse, sapientissimè affirmavit Xenophon. Nec immeritò, communiter enim Doctorum virorum vestigijs à tergo veluti insistendum esse

A ij

acce-

accepimus, ne obuiam euntibus, aut illa vultus maiestas, aut Doctrinae lux, animique splendor insolitus, aciem praestringat oculorum. Vnde & mihi fortè laudabilius foret, Tuam C. D. eruditionem, cum debita potius veneratione suspicere, quam verò laudationis onus, in tantâ dicendi tenuitate suscipere. Si quidem, & tibi longè ampliora laudum & honoris crescerent incrementa, si parem, qualem semper Tuae doctrinae amplitudo, negotique dignitas requirit, Eruditionis testem, & laudum inuenires praekonem. Multò enim & luculentius, & facilius, aut ex disertioribus Tuam meriti virtutem, aut ex paribus Tuae quoque felicitatis alumni, posses concipere voluptatem. A laudatis enim semper gloriosius est laudari viris. Sed, ne dubita C. D., Tibi in hoc felicitatis passu, magnorum etiam virorum futuras gratulationes. Viro enim naturâ bono, & uirtute praestanti, qualis tu & mereris & haberis, faustissima viri quoque praestantes, praestant

stant encomia, & secundis rebus vtenti, officiosissime gratulantur. Verum enimuero neq; mihi Tuâ animi magnitudine, in tantâ rerum prosperitate, adeo grauis videri debes, quin hoc etiam meum in Te, Tuamq; præclaram stirpem, velut Themistocleum fælicitatis, libens & lubens excipias acroama. Delectat enim mirum in modum, eos qui gloriâ & famâ ducuntur, à minoribus etiam profecta laus. Quod si contempseris (quæ Tua est animi magnitudo Tuorum elogia meritorum) non tamen respuere penitus debes, boni in Te affectus, & promptitudinis testimonia, quæ meus Tibi submissè propinat candor.

Si lumina illa antiquitatis & sapientiæ, inspexerimus Philosophos, ab ijsq; inquisierimus, quod nam illi fælicitatis, assignarent recorditorium, quis esset certissimus & perfectissimus consumatæ beatitatis humanæ scopus, procul dubio in hac perplexâ & abstrusâ dissertatione hallucinarintur. Crates ille Phi-

A in

loso-

lofophus, anchoram fælicitatis, prosperam nauigationem constantiffimè affirmauit. Et nemo profectò infitias ibit eum vel minus fæliciter, vel nunquam nauigaffe, qui follicitus & anxius, credo dolore proiectæ in mare pecuniæ perculsus, in portu confederit. Potest ne tamen hoc Cratis oraculum, rectè fælicitatis fi-
qi vſurpare nomem? cuius neque ad fælicitatem curſus, fælix iudicari potuit? quis vnquam inter ſpem & metum, aliquem conſtitutum, fælicem extra portum iudicauerit? qui vt aliquando fælicitate potiretur, volubili fortunæ, fluctibus & tempeſtatibus, vitam fortunæſq; commiſit. Neq; tuam Archita, de fælicitate ſuſcipimus ſententiam, quam in cæde, & ſanguinis effuſione, & victoriarum multitudine conſtituiſti. Quæ enim eſt illa fælicitas? ad cuius acquisitionem, galeâ & loricâ & ancipitis fortunæ aleâ opus eſt. Neq; Tuus Chriſippe, in extruendis ſplendidis ædificijs, placet luxus, in quo Tuam condidiſti fælicitatem, cui
con-

contra animi votum negatum est diu viuere.
Et quæ tandem illi sapientiæ Magistri, non
confinxerunt sibi fælicitatis figmenta. Quod
quisq; præcæreris petijt, id summum esse existi-
mauit bonum, ex quorum ego opinionibus,
Tuam C. D. non metiar fælicitatem. Ex ar-
mis alij petendam arbitrantur, sed victoria sic
dulcis fortibus. Cumulos diuitiarum gradum
fælicitatis constituunt; optima sunt ista, sed
consequentia non consumantia summum bo-
num. Soli illi mihi summâ fælicitate niti vi-
dentur, qui non alijs quàm ingenij sui viribus,
possessione sapientiæ, ad gloriam, & veram
fælicitatem contendunt. Et quoniam gloriæ
cursus, semper est sempiternus, ideoq; fælix
censendus est; quis Tuam contentionem, non
summæ asseruerit fælicitati? qui ad ea Te sta-
tim contulisti sapientiæ studia, in quibus, &
gloriæ, & fælicitatis, mereris stipendia; ra-
tus, nihil ea splendoris & ornamenti adferre,
quæ extra hominem posita, fortunam tantum
& con-

& conditionem, non hominem exornant: atq;
adeo Academicis honorum titulis (qui iure quo-
dam hæreditario filijs in patrimonium cesse-
runt) satius existimasti condecorari. unde
grauissimè sapientissimeq; Sigismundus Impe-
rator, videtur iudicasse, qui Principes nasci,
vel Imperatorum beneficio creari, vtrumq; à
fortunæ arbitrio vel hominum gratiâ depen-
dere affirmabat. At vero quod Docti viri, in-
genij quadam vi, & Eruditionis dignitate,
laureas in Academiæ spatijs obtinerent, quod
Artium Magistri, quod Doctores crearentur,
hoc ad solam virtutem, & animi diuinitatem
omnino esse referendum putabat. Et merito,
accendi enim, & feruentiori gloriæ incitari
stimulo, ad discutiendas animi tenebras, men-
temq; densissimâ occupatam ignorantiae cali-
gine, Eruditionis, sapientiæq; lumine illustrare
posse, diuinitatis quoddam est argumentum.
Difficilis enim est eruditionis reconditæ pos-
sessio, nisi honesti stimulus perfodiat pectus, &

generosus ardor, ad gloriam, sopitam mentem
accendat. Atq; ideo felix, cui munere Di-
uum sapere concessum est. Ut cum sapit,
hoc agat, ut libens animum solidiori cogitati-
oni intendat, illamq; tandem, quæ animi lu-
men & oculus est, post tot labores, & vigi-
lias lucretur sapientiam. Cuius tanta vis est,
ut sola per se, homini calamitatibus obruto,
voluptatem largiatur. Ut enim sine oculis,
non potest extare munus & officium oculo-
rum ita absq; prudentiæ præsidio, hoc diuini-
tatis munere, hominem, animo excutire fo-
ret necesse. Et, ne quanto animus præstan-
tior est cæteris functionibus corporis, tanto er-
ror animi grauior sit, Tu clarissime Domine o-
ptimum & præsentissimum, Tuæ menti, appo-
suisti remediū, cum in hac eruditionis Palæstrâ
Crac. Acad: honestissimis incumbens studijs,
primam hanc bonæ gloriæ, accendisti facem,
cum in Artium Magistrum & Philosophiæ
Doctorem, renunciari meruisti. et velut è nau-

B

fragio,

fragio, ad prudentiæ & fælicitatis portum ap-
pulisti. Sed excelsus animi Tui ardor istis non
potuit contineri cancellis: exigebat enim, vt
adhuc & à Patriâ ad tempus abesses, vt hoc
etiam cursu ad fælicitatem contendisses. Et i-
pse enim Vlisses fortè inglorius in otio & tene-
bris letuisset; nisi istud quoq; quærendæ fæli-
citatis studium, admouisset; neq; illam quam
assecutus est immortalitatem, meruisset. Quod
immortalitatis studium, memorabilemq; sapi-
entiam, Homerus; hoc etiam insigniter carmi-
ne illustrauit.

Qui multas Ciuitates & populos circuiuit.

Vnde Claris: Domine, celebrem Te & Vlissis
laborum præstitisti imitatore, & æmulato-
rem: non quidem Cyclosum specus adeundo,
non ad inferos remeando, non Scyllam & Cha-
rybdim præternauigando, non Lotophagos vi-
sitando, sed illis animum consecrando scientijs,
in quibus, cum tot periculosissimos scopulorum
anfractus, in reconditis mysteriorum naturæ se-
cre-

cretis penetraſti, ſyderumq; motus, curſus & re-
curſus, ſæliciſſimâ ingenij bonitate ſuperaſti.
Magnum Tibi honorem, & admirationem a-
pud exteras nationes, ob incredibilem ingenij
velocitatem, & prudentiæ dignitatem compa-
raſti. Ex quâ laudis acceſſione, nihil ſibi for-
tuna vendicat, totum quantumcunq; illud eſt,
Tuum eſt, vel Diuinæ potius in Te benigni-
tatis munus, quod quia naſtus es: ad portum
perpetuæ ſælicitatis appuliſti.

Quia verò prudentiæ & ſælicitatis, ſem-
per commune eſt, creſcere, augeri, & nunquã
diminui, atq; adeo hominum excitare in admi-
rationem animos, & in ſimilium tantum auct
Magnatum trahi conſortium. Profectò & in
iſtius Te ſocietatis ſælicitas vocauit communi-
cationem, vt publici fauoris lucem, apud ſum-
mos Principes, ob ſummam prudentiam fue-
ris conſecutus. Vt celeberrimo Simonidi Phi-
loſopho, fidem neſas ſit abrogare; qui ſummæ
ſælicitatis argumentum, gratiã apud Ciues, a-

puḋ eruditos, Principes, Magnates, amore plurimum valere, iudicare non dubitauit. Dedit primus, hoc Tuæ sælicitatis indicium in exteris, Thomas Minnadous Medicus & Historicus celeberrimus, cui vbi primum Tuâ inuotuit prudentia, illico Te in Suam adseuiuit societatem: vt labores Tuos, & ad sapientiam conatus, & summam ad gloriam contentionem, fauore illo suo augeret, & amplificaret: Neq̃ insignis ille & dignissimus Antiquarius, Laurentius Pignorius, qui Tuam semper in Te coluit eruditionem, amoris & coniunctionis denegauit theseram; aduertit enim in Te, raras & egregias ingenij dotes: Facundam linguæ æloquentiam, morum incorruptam suauitatem, dexteritatem, industriam, integritatem, & in solidæ acquisitione sapientiæ constantiam. Quid verò dicam de illo, sui nominis ab obliuione vindice, Fabricio Medicorum præstantissimo, qui vt in memoriâ doctæ vigeret posteritatis, ad perscr-

scru-

scrutandorum humani corporis artuum, & naturæ admirandam conjunctionem inquirendam, magno sumptu, cuius Te fecerat participem, extruxit officinam, nominis sui immortale monumentum: quid inquam ille si præsentem etiam liceret spectare, de Tuis animi dotibus proferret; quam, Te esse diligentissimum naturæ difficilis arcanorum scrutatorem, singularum venarum, arteriarum, ossium, prouidum & sollicitum inuestigatorem, ut vniuscuiusque situm, habitum, affectiones, quantitatem facili negotio declarare possis, quod quidem perfecti & absoluti Medicinæ Professoris munus est. Sed neque illos (quos hic honoris gratiâ nomino) nostræ Reipublicæ Principes, tacitus præterire possum, qui tibi diuinâ medendi facultate instructissimo, Suam commiserant valetudinem carandam. Quorum primus ille fuit, Tibi in exteris nationibus notissimus, Tuæ spectator laudis, & eruditionis, Reridissimus Stanislaus Sułowski,

A in

Ab

Abbas Tynecensis, tum ille immortalī memo-
riā dignissimus Senator: Illustrissimus Dux in
Zbaraž Castellaneus Crac: Et Illustrissimus
Ioannes Teczynski Palatinus Crac: quibus sin-
gulares & eximij, nunquam in Te amando &
ornando defuerant conatus. Quo enim sem-
per in Te fuerint animo, quomodo Tuis faue-
rint honoribus, quod de Te habuerint iuditi-
um, quod prudentiæ semper dederint testi-
monium, illustrius est & clarius, quā vt ali-
quā commemoratione indigeat. Hāc enim
perualgatā illorum de Te commemoratione,
tantisq; in arte medendi sparsis laudibus, in
aulam etiam Diui Sigismundi III. Poloniæ
Regis, tanquā Hyppocrates aui sui, ab Ar-
taxerxe Persarum Rege, fuisti inuitatus. Si
igitur, gratiam apud Ciues, amorem apud E-
ruditos, honorem apud Principes demereri,
fælicitatis sunt argumenta, quāta erit horum
omnium fælicitas, Regium nancisci fauorem
cum quo nulla Ciuium amore parta conferen-
da est fælicitas. Ve-

Verum enimvero, occasio hæc, Clarissime Domine quâ ad fælicitatis Tuæ imaginem, rudi sane & incomperto ingenij mei conatu, exornandam descendi, omnes omnium complexa est, & supergressa fælicitates. Recte enim felicissimum eum appellauerim, cui optimos & naturæ beneficio simillimos, virtutum, meritorumq; imitatores ardentissimos, contigerit habere filios. Non sum quidem nescius, quanta sit amplitudo prudentiæ, quàm grata virtutis possessio, quàm necessarium & efficax fælicitatis & immortalitatis parandæ instrumentũ si quis fauore, Ciuium, gratiâ Principum, Clementiâ Regum fiat illustrior: sed quis eam satis firmam iudicabit gloriam, si orbis fuerit, & liberis destitutus? vt tantam bonorum successionem, alieno hæredi dolens & moriens, videatur reliquisse? Magna quoque & in æstimabilis est hominum coniunctio, ciuib; charum & amabilem extitisse; sed quæ arctior societatis colligatio? quam, quæ ex
immen-

immensâ generis humani societate, in angustum quidem, sed arctissimum, & sui nominis, & gloriæ, contrahitur vinculum? at hæc ipsa est liberorum progeneratio. Quidenim charius à naturâ datum est, quam sui cuiq; liberi. Equidem non mediocre Dei minus est, dare liberos, excitatores generis, virtutum successores, hæredes meritorum. Sed tamen illorum educatio difficilis est & laboriosa, incrementum tardum, virtus verò ipsa, ita in longinquo posita, vt plerique Parentes, prius ex hac vitâ discesserint, quàm suam illis filij virtutem demonstrarent. Neocles Salaminiam Themistoclis victoriam non vidit. neque Cymonis res apud Eurimedontem gestas Miltiades. Periclem concionantem non audiuit Xantippus Neq; Platonem Philosophantem. Aristo: Neq; Euripidis & Sophoclis victorias, Patres eorum cognouerunt. Balbutientes eos tantum, & Syllabas in literas cogentes audiuerunt, at in optato ad felicitatem

cur-

cursu, nec annorum, nec maturæ felicitatis
faturi, obierunt. Neque poterat crudelio-
rem se illis præstitisse fortuna, quam cum
tunc vitæ ademit libertatem, cum eâ felici-
tate spoliauit, quâ ad summam fortunam ple-
niori gradu, sed ad infortunium celeriore pro-
perarent impetu. Atque hisce Parentibus
præstiterat non vidisse dignitates filiorum.
Tibi Clarissime Domine singulari Dei O-
ptimi Maximi benignitate, hoc optatæ felici-
tatis fastigium adire concessum est, qui tales
procreasti filios, ut à te progeniti, in eo gloriæ
& laudis genere studuerint excellere, in quo
singulari eis præluxisti exemplo. Et ne vir-
gulta à suo cespite discreparent, talibus eos in-
struxisti Præceptis, ut merito gloriari possint,
Patrem sibi fuisse ita sapientem cuius & con-
silijs uti scierint, & monitis obsecundare, dubi-
tauerint nunquam. Atq; adeo tibi felicior
sit laus, ex educatorum probitate laudari, & fi-
lios adeptum esse adeo præstantes: ut iacta il-


la educationis Tuæ semina, optimum nacta so-
lum vberriam eruditionis honorumq̃ Aca-
demicorum Tuæ expectationi, produxerint
mensem. Ergo inde ad huc fælicior esse in-
cipies, cum videas eadem illa laborum Aca-
demiæ præmia Tuos assequi filios, quæ tu e-
ruditione & laboribus, ingenio & candore,
auxisti, illustrasti. Itaq̃ ad honorem filiorū
Tuæ renouatur dignitas Eruditionis: & laus
Paterna, Filiorum redundat ad gloriam: &
dignitas rursus atq̃ ue splendor Filiorum, Tuam
illustrat fælicitatem. Effusus est aliquando in
lætitiā & gratulationem, Diagoræ Olympi-
onices nobilis, populus vniuersus Rhodensis,
quod eodem fere die, duos in ludis Olympicis,
victores Filios, laureis conspexerit coronatos.
Sed neque hic etiam, Tua diminuta est For-
tuna, accessit & hoc ad Tuæ cumulum fælici-
tatis, vt quanquam non eodem die, sed in-
tra eiusdem mensis spatium, publicè, in Tuo
conspectu, & tot Clarissimorum Virorum
confes-


fu, fauentiffimorumq; Patrum, Lycæi Iagellonianî præfentiâ, honorum Academico-
rum fierent participes: cum alterum in Ar-
tium primæ Laureæ Baccalaureum alterum
Artium Magistrum renuntiari audiuiſti.
Cui ad veterem illam nominis amplitudi-
nem, nouam ex hac filiorum dignitate
honoris acceſſionem, non iam populus Rho-
denſis, ſed in primis grauiffimi Academi-
æ Proceres, deinde Ciues tui, vrbis hu-
ius viri præſtantiffimi, tum omnes boni,
& Tui nominis amantiffimi Hoſpites, in-
timis ex animis gratulabantur. Illi in-
quam etiamnum omnes, ex quibus ego
iſtam, Clariffime Domine auſpicatus ſum
fælicitatem, ætate graues, virtute candi-
di, eruditione præſtâtes viri, fauſtam fæ-
licem, fortunatam, Tibi, & filijs Tuis,
nominis, & generis amplitudinem, gratula-
bantur. Filij autem ipſi, beneficiorum
memores & grati, ſummâq; geſtientes leti-
tiâ,

tiâ, Laureas suas, in Tuum sinum Paternum,
submissè & reuerenter reponunt. A me ve-
rò non aliud laureatæ Tuæ fælicitatis præsto-
lare auspiciū, sed hoc vnicū vniuersæ gra-
tulationis compendium; nominis Tui celebri-
tatem, in Filijs, bonis, & præstantibus collo-
catam, neq; annorum, neq; temporum iniu-
ria intermorituram. Modo Deus Opt. Max:
ad maiora in Filijs spectanda honorum incre-
menta, seruet saluum & incolumem, fæli-
cem & fortunatum: quod ego Clarissime
Domine Doctor Tibi pro summâ Tuâ in me
humanitate, gratiâ, hospitalitate, beneuo-
lentiâ, officiosissimè gratulor, atq; sub-
missee apud eundem bonorum omni-
um largitorem, & authorem

Deam comprecor.

D. I. X. I.





84
P.

R. 3



818864 Bibliotheca 28 000,-
P.P. Camaldulensium in Bielany

Depozyt w Bibliotece Jagiellońskiej



03947

K.VI.6

